

أوفسايد - edisffO | الجون 11 | #رمضان_في_الجون | د .

حازم شومان

حازم شومان

رب اهدني فيه منور لياليه اسعى لنيل رضاك. اغفر خطايانا. واحفظ السلام عليكم ورحمة الله وبركاته. اخواني واحبابي في الله اخواتنا الفاضلات الكريمات. كل سنة وانتم طيبين يا جماعة رمضان بيقترب يا اخوانا بيننا وبين رمضان ايام قليلة. واحنا الوقتي في الجون الحادي عشر بازن الله سبحانه وتعالى في سلسلة رمضان في الجون. رمضان - 00:00:00

ولازم نجيب اجوان. عايزين السنة دي يا جماعة رمضان يبقى رمضان ممتع. الماتش لما بيبقى مليون اجوان بيبقى ماتش جميل. بالزات لما بتبقى اجوان احترافية. احنا الوقتي بفضل ومن عاملين معسكر تدريبي قوي جدا في شعبان بفضل ومنة الله. عشان نجيب اجوان في رمضان. عايزين كل جون عايزين نجيبه في رمضان نتدرب عليه من شعبان - 00:00:40

بازن الله سبحانه وتعالى الهدف الحادي عشر كيف نخطط للفوز برمضان استراتيجيا؟ يعني مشهد مؤلم جدا مشهد لعب محترف ومسك الكورة وسيطر عليها وعدى من اللعب الاولاني. وعدى من الثاني وبيجري وبيقرب من الجون وبينطلق. وانفرد وادى تمريرة - 00:01:00

خطيرة جدا للعب ثاني. واللعب خلاص بقى بينه وبين حارس المرمى وجاي يحط الجون سمع صفارة الحكم. ايه اوفسايد ياه كان هيبقى حطة جون ولكن الاوفسايد والتسلل بوزه وما جاش اي اجوان. هي دي حلقة النهاردة يا جماعة اوفسايد - 00:01:20

ازاي نتقي التسلل في رمضان؟ قال تعالى قد يعلم الله الذين يتسللون منكم لوذا. يتسللون منكم لوذا. في ناس بتتسلل يا جماعة. التسلل في رمضان زاهرة مدمرة لرمضان. وبيحصل بعد اول ثلاث اربع تيام في رمضان او اول عشر تيام في رمضان. العشر تيام اللي في النص. دول ايام التسلات. الهروب بقى كله بيتسلل وتلاقي - 00:01:40

فجأة اللي كانوا بيصلوا في التراويح والعشر صفوف بقوا صف واحد. لحد ما الناس ترجع في الايام الليالي الوترية في النهاية. وفي الاعتكاف في النهاية. مش عايزين تسلل في رمضان - 00:02:05

عايزين نتعبد لله بالاستمرار من بداية رمضان لنهايتيه. شاب من وهو طفل ابوه كان بيدي له مصروف زيه زي بقية الاولاد اللي معه في كل الاطفال يروحوا بالمصروف بتاعهم يجيبوا شيبسي ويجيبوا بيبسي وهو يحط الفلوس بتاعته في الحصالة. كبر ودخل اعدادي. اصحابه بقى بياخدوا مصروفهم يوصلوا به وصلة نت - 00:02:15

وادخلوا على الاسكايب ويدخلوا وهو يحط الفلوس بتاعته في الحصالة. وكل اصحابه يقولوا له انت مش عايش حياتك ليه؟ انت خائق نفسك ليه؟ كبر ودخل سانوي ببقى اصحابه بيهتموا بهدومهم وشكلهم والجل والبرفان وهو يحط فلوسه في الحصالة. واصحابه يبصوا له مستغربين. هو خائق نفسه ليه؟ كبر ودخل جامعة. اصحابه - 00:02:35

وبقوا يعني يروحوا بقى رحلات وهو يحط فلوسه في الحصالة. اشتغل واصحابه يجيبوا بفلوسهم حاجات وعزومات وهو يحط فلوسه في الحصالة الكل مستغرب هو خائق نفسه ليه؟ الشاب ده يوم ما يفتح الحصالة. الكل هيعرف ان هو اللي كان صح. انه قدر يستمر لحد ما باع معه حصالة - 00:02:55

في انه يبقى انسان مليونير. الحصالة دي يا جماعة اللي هي الاعمال الصالحة بتاعتنا. اللي هي الصحيفة بتاعتنا. احنا عايزين نحط فلوس في الحصالة. عايزين نستمر على العمل الصالح عايزين نفضل مستمرين حرب التسلل. حرب الاوفسايد اللتزامي. حرب

الافسائيات والتسللات اللي موجودة من الملتزمين والملتزمات ما بيقدروش - 00:03:15

يكملوا صح. بييجي في الاخر ويلبخ بييجي في الاخر ويتسلل. ازاى نكمل رمضان من البداية للنهاية؟ هو ده يا جماعة الموضوع بتاع حلقة النهارده آآ آآ يعني احد اخواني آآ بيقرأ في الجرنال فلقى مكتوب ان آآ يعني الفنان الفلاني آآ انتهى تصوير الحلقة رقم ثلاثة وعشرين من مسلسل - 00:03:35

رمضان. فهو بيقول لي كنا يوم ثلاثة وعشرين شعبان. فبيقول ياه خلص ثلاثة وعشرين حلقة. يعني ان شاء الله بقى ايه يعني يعني قصده يعني يعني هيخلص باقي على الايام الجاية فبيقول فبيقرأ الخبر بقى الكلام التفصيلي لقي انه الممثل الفلاني انتهى تصوير الحلقة رقم ثلاثة وعشرين من مسلسل - 00:03:55

رمضان بعد القادم. مش رمضان ده رمضان اللي بعده. يعني اللي بعد سنة وشهر قهر يا دي يا الهي! الناس يا جماعة بتشتغل للدرجة ديت. الناس يا جماعة يعني مستمرة للدرجة دي. الناس متفانية للدرجة - 00:04:15

ديت عشان كده من الكلمات اللي اللي بتأسر في قلبي جدا. كلمة النبي عليه الصلاة والسلام شيبنتني هود واخواتها. ليه؟ المفسرين قالوا ايه اللي النبي عليه الصلاة والسلام في هود قالوا اللي شيبه قول الله فاستقم كما امرت. استقم يعني استمر. اوعى تحود يمين او شمال. كمل اللي انت حياتك اوراد - 00:04:35

استمر على قيام الليل. استمر على الدعوة الى الله. استمر على جلسة الضحى. استمر على التربية. استمر على القرآن. استمر على حسن الخلق. استمر على الاعمال الخيرية. فاستقم كما امرت. شبيه رسول الله صلى الله عليه وسلم. يعني يا اخواننا الاستمرار ده اشد تكليف في الدين وهو التكليف الوحيد اللي من غيره - 00:04:55

كل اللي احنا بنعمله لعب عيال. لو انت جيتي وانت بتصلي الظهر بعد ركعتين هتموتي من العطش مش قادرة تعملي ايه. قمت رايحة شربتني وبعد كده جاية الله اكبر ادخل الركعة الثانية هيتقال لي التالت التالتة. تالتة مين يا بنتي انت هتبدأي من اول وجديد اول ليه؟ انا صليت ركعتين بس قطعتيهم. هي دي مشكلة اللي بيمشي - 00:05:15

الطريق ويقطع ويمشي ويقطع ويمشي ويقطع ما بيوصلش في الاخر لحاجة. ما بيوصلش في النهاية لحاجة لانه سطر وسطر عايزين نواصل. عايزين نتعلم الاستمرار يا جماعة الصحابي النبي عليه الصلاة والسلام - 00:05:35

بيقول له قل لي قولاً لا أسأل عنه احداً بعدك. النبي عليه الصلاة والسلام قال له قل امنت بالله. طب دي دخلتني الدين يا رسول الله؟ الايمان. طب جوة الدين بقى هتقول لي ايه - 00:05:47

اجماع للدين كله قال له قل امنت بالله ثم استقم. ثم استقم. يعني النبي جمع الدين في الاستقامة. جمع الدين في الاستمرار عليه الصلاة والسلام. دين على قد اللي انت مستمرة عليه من الايات اللي بتزلزل قلب قول الله سبحانه وتعالى في سورة الطور ام يقولون شاعر نتربص به ريب المنون - 00:05:57

قلت ربصوا فاني معكم من المتربصين. ام يقولون شاعر نتربص به ريب المنون. نتربص استنوا لحد ما يحصل له ريب المنول. يعني ايه ريب المنون؟ قالوا قواطع الظهر. يعني عيل من عياله يموت يطلق مراته يحصل له مشكلة اسرية. يجي له مرض يقعده. آآ ويحبطه يحصل له مشاكل نفسية في الاخر بقى من - 00:06:17

اللي عملناها عليه والتشويه الاعلامي اللي عملناه له يحصل له مشاكل مادية وما يعرفش يصرف. آآ تضيق عليه ماديا يتشاكل مع حد من اصحابه ولا مع الناس المهمين اللي معه اللي شايلين الدعوة معه؟ ام يقولون شاعر نتربص به ريب المنون. ريب المنون يعني يقينا هيحصل له مشاكل. والمشاكل - 00:06:37

هتوقفه. الكلمة دي جرحت قلبي ان نزر اهل الباطل دايمًا للملتزمين والملتزمات ان هم ما بيكملوش. ان اول ما بيحصل لهم ريب المنون اول ما بيحصل لهم قواطع الظهر اول ما بيحصل - 00:06:57
مشاكل الايام ما بيكملوش حصل لها مشاكل مع جوزها. اتجوزت وسافرت آآ عقد عمل مع جوزها. آآ اتخرج واتشغل في حياته العملية. حصل له مشكلة حصل لها آآ ازمة مادية آآ حصل له ابتلاء في ولد من اولاده مات ولا مرض ولا جا لها مرض ولا كله - 00:07:07

يقف يا اخوانا ما فيش حد بيكمل ليه؟ لازم نتعلم الاستمرار من شعبان عشان نستمر في رمضان. لازم نعرف ان معركة رمضان معركة استمرار وان جوائز رمضان مش للي خبط خبطة زي ليلة القدر. الناس جاية بتنشن. ينشن على العشرة الاواخر. وبعد كده ينشن في العشرة الاواخر على الليالي الوترية. وبعد كده نشن في الليالي الوترية على ليالي - [00:07:27](#)

وعشرين وبعد كده نشن في ليلة سبعة وعشرين على التهجد. وبعد كده نشن في التهجد على الوتر. وبعد كده ناشن في الوتر على الدعاء بتاع الامام. ايه يا جماعة! يا اخوانا ليلة القدر جائزة - [00:07:47](#)

استمر بفتح الله ولمن من الله سبحانه وتعالى عليه. يا جماعة اللي بينشن بالعافية بينجح. انما عمره ما يطلع من الاوائل. احنا عايزين ربنا يرزقنا صحبة النبي عليه الصلاة والسلام في الجنة. ازاى نفقد صحبة النبي عليه الصلاة والسلام في الجنة؟ اللهم ارزقنا الفردوس الاعلى يا كريم يا رب. برحمتك يا ارحم الراحمين. يبقى لازم يا جماعة ما - [00:07:57](#)

قشطة شنجية لازم نستمر. الاستمرار هو سر الوصول للفردوس الاعلى. سيدنا ابو بكر الصديق وهو عنده اربعين سنة طلع كل ما له لله. ليه؟ لما اعتق العبيد المسلمين. هو عنده خمسين سنة النبي كان بيهاجر. طلع كل ماله لله. ليه؟ عشان يمول الهجرة. هو عنده ستين سنة طلع كل ماله لله. ليه؟ غزوة تبوك - [00:08:17](#)

النبي احتاج فلوس عشان الجيش. طلع كل ما له لله هي دي اللياقة الايمانية اللي احنا عايزينها. هو ده قول الله وما بدلوا تبديلا. ما بيتبدلوش ما بيغيروش. مستمرين زي ما هم اورادهم زي ما هي في العبادة - [00:08:37](#)

عبادة اورادهم زي ما هي في الدعوة. حماسهم الدعوي ان الدين هو هدف عمرهم انهم طلب التربية. انهم ملتفين حوالين العلماء. ان رمضان ده فرصة عمرهم انهم بيقاتلوا عشان رمضان يفوزوا به ما بيتغيروش مع السنين. هم زي ما هم لحد ما يموتوا معركة الاستمرار هي معركتنا. عدم - [00:08:51](#)

استمرار هو اللي دمر التيار الاسلامي. عدم الاستمرار هو اللي دمر التيار السلفي. عدم استمرار كثير من الدعاة عن شغلهم في الدعوة. كثير من الكوادر عن شغلهم في مشاريعهم الخيرية والدعوية. كثير ما حدش بيكمل ليه؟ اللي بينفق على الدعوة ما بيكملش ليه؟ اللي شغالة في ثغر ما بتكملش ليه؟ المفروض الجواز - [00:09:11](#)

ما يوقفكيش. المفروض الشغل ما يوقفكش. المفروض التخرج ما يوقفكش. المفروض الزروف المادية وعوارض الحياة ما توقفناش. ام يقولون شاعر نتربص في ريب المنون. النبي قال ايه؟ قلت تربصوا. انتم اللي قاطع الظهر توقفكم. احنا لأ. فاني معكم من المتربصين. احنا مكملين. مكملين على - [00:09:31](#)

طريقك يا رب مكملين على اورادنا يا رب بازن الله. مكملين على تضحيتنا من اجل الدعوة الى الله. مكملين على الكفاح من اجل رفع راية الدعوة. مكملين على حمسنا ان احنا نوصل لك. على حماسنا ان احنا نرضيك. على حماسنا ان احنا نرضيك باي شيه يا رب وان احنا نصلح قلوبنا. هيفضل قضية الخشوع - [00:09:51](#)

خشوع في الصلاة قضيتنا لآخر يوم في حياتنا بازن الله. هتفضل قضية هداية الدعوة هداية الناس وهداية الشباب قضيتنا لآخر يوم في حياتنا بازن الله. عشان كده اصحاب النبي عليه الصلاة والسلام - [00:10:11](#)

كانت بدايتهم زي نهايتهم. يا اخوانا المشهد اللي بيأزني جدا مشهد آآ سيدنا سليمان لما كان عنده ورد عبادة بعد العصر. وعرض عليه عشرين عشرين الف خيل اتعطل عن ورد العبادة بتاعه. ورد العبادة راح مرة ما استمرش مرة بسبب الخيل وجمالها دبحها كلها. ليه؟ عشان - [00:10:21](#)

الاستمرار هم كانوا عارفين ان الدين هو الاستمرار. عشان كده ربنا قال نعم العبد انه اواب. نعم العبد خد نيشان نعمة العبد ليه؟ لانه اواب. لانه مستمر على اوراد العبادة - [00:10:43](#)

المقدسة بقى نعم العبد. العكس بقى ربنا بيقول الذين اتخذوا دينهم لهوا ولعبا. بعض المفسرين قالوا مين دول؟ قالوا دول اللي بيلعبوا جوة اللي هو شوية يمस्क في قيام الليل - [00:10:53](#)

وبعد كده يسببه. وشوية تشتغل في الدعوة وبعد كده تسيبها. شوية تشتغل في الاعمال الخيرية. وبعد كده اتجوزت ما عادتش

فاضية. مرضت مزاجها ما طلبش. آآ زهقان ما ليش مزاجي النهاردة. النبي عليه الصلاة والسلام لما بايع الانصار وادى الشروط بتاعته
عشان يرضى يهاجر لهم وينضموا لجنود جيش محمد. قال لهم تبايعونني يا - [00:11:05](#)
على السمع والطاعة في المنشط والمكره. يعني وانت زهقانة في المكره وانت نشيطة في المنشط انت مكلمة. وعلى النفقة في العمر
يسر واليسر الدين ما لوش دعوة بمزاجك. الدين ما لوش دعوة بحالتك النفسية. الدين ما لوش دعوة بزروفك. الدين لازم يبقى مكمل
يا جماعة زي ما اهل الدنيا - [00:11:25](#)
الشغل بتاعه كل يوم الساعة تمانية الصبح وهو متشكل مع مراته بينزل وهي متشاكلة مع جوزها بتنزل وهو ولاده زعلانين بيزيلوه
وهو تعبان بينزل ليه هو عارفين ان الدنيا مش - [00:11:45](#)
ستقوم غير بالاستمرار كزلك الدين. لن يقوم الا باستمرار. قال الحسن البصري والله ما المؤمن الذي يعمل لشهر ولا الشهرين ولا السنة
السنتين ما جعل الله لمؤمن اجلا دون الموت. انا عايزك تكتبي الجملة ديت كده وتعلقها قدامك. قدام السرير اللي انت بتنام عليه -
[00:11:55](#)
والله ما جعل الله لمؤمن اجلا دون الموت. مش المؤمن اللي يقوم الليل سنة ويسيبه. مش المؤمنة اللي اللي تقعد جلسة الضحى شهر
وتسيبه امال ايه يا حسن يا بصري دون الموت انت اورادك حتى الممات. عشان كده اصحاب النبي عليه الصلاة والسلام عن خيمة ابن
ابي جهل. بدأ اول ما دخل الاسلام - [00:12:15](#)
دخل ازاى؟ قال كل نفقة انفقتها في الصد عن سبيل الله. انفق ضعفها في سبيل الله. وكل موقف حاربت فيه دين الله اقف ضعفه
لنصرة دين وهو بيموت بقى في النهاية دي بدايته. نهايته بقى في غزوة اليرموك قافل في الفتح الاسلامي الاعظم. لما بايع على
الموت ومات - [00:12:35](#)
وهو عطشان عشان يسقي اخوه اللي جنبه ويؤثر. اخوه اللي جنبه يبقى استمر تضيق قوة الصحابة انهم من البداية للنهاية اقويا. ابو
بكر الصديق من بدايته لنهاية انسان قوي اول ما دخل دخلة قوية كسر الدنيا ستة من العشرة المبشرين بالجنة اسلموا على ايديه. عمر
اول ما دخل عمل نقلة نوعية في الدعوة في مكة. خالد ابن الوليد اول ما - [00:12:55](#)
دخل نظر كل امواله للجهاد في سبيل الله اوقفها. لجهاد في سبيل الله. عشان كده نهايات الصحابة برضه نهاية بطولية. ابو ايوب
الانصاري نهايته عنده تسعين سنة. ومصمم انه يخرج في قتال الترك ويقول ما ابقت لنا اية النفير جنبنا ننام عليه. اللي هي قول الله
انفروا خفافا وثقالا. الصحابة بدايتهم قوية ونهايتهم قوية - [00:13:17](#)
استمروا يا جماعة. ما كانوا بيلعبوا بدين ربنا. يعني انت عندك شعرين. شعار نعم العبد بتاع سيدنا سليمان اللي استمر على الاوراد.
وشعار الذين اتخذوا دينهم سهوا ولعبا بتاع اللي قال لعبه في الدين وسطر واطر وشوية ييجوا شوية يحضروا الدروس وشوية
يرجعوا ورمضان يستغلوه ورمضان كان يناموا فيه - [00:13:37](#)
انت عايزة تبقى من اللي ربنا بيقول عليهم نعم العبد ولا من اللي ربنا بيقول عليهم الذين اتخذوا دينهم لهوا ولعبا. انتم عايزين تبقوا
من اللي اهل الباطل بيتربصوا بهم ريب المنون! انتم عايزين تبقوا ايه يا جماعة! اوف سايد! ما ينفعش يبقى فيه اوفسايد في رمضان!
رمضان بدون اوفسايد! رمضان بدون اوفسايد! رمضان - [00:13:57](#)
بدون تسلل. رمضان بدون تسرب التزامي. رمضان بدون ان العشرة الواسط الجوامع تفضى والحماس يفطر ونبدأ نرجع ثاني في
الاخر. عايزين نكمل استمرار في رمضان له جوايز غير العبادة في رمضان. عايزين نعامل ربنا معاملة جميلة. عايزين نعامل ربنا
المعاملة اللي ربنا اهل لها - [00:14:17](#)
عايزين نعامل ربنا المعاملة اللي ترضي الله عنا وتفرح الله بنا. مش نعامل ربنا معاملة اللي بيخطف حاجة من حد ويبجري. لأ يا جماعة
معاملة الاستمرار على الطاعة. معاملة الثبات على الطاعة. يبقى الجون ده اللي هو جون ازاى ان احنا ما نجيبش اوفسايدات. ازاى ان
احنا ما نضيعش اجوان كتير - [00:14:37](#)
كتير اوي اوي اوي بسبب الاوفسايد. كانت هتبقى جون جميل اوي اوي اوي. والجمهور كله هيسعد ولكن الاوفسايد قطع

المشهد. اجوان كثير اوي اوي ممكن تجيبها في رمضان. وممكن تجيبها في رمضان. لو انت ما اتسللتش. لو انت استمررت. لو انت من اول يوم لآخر يوم كافحت - [00:14:57](#)

عضوا عليه من نواجز. لو انت من اول يوم لآخر يوم صمت. لو انت تعبدت لله في رمضان بالاستمرار صدقيني. هتيجي في الآخر هتلاقي قلبك متغير عن كل مرة بعد رمضان في السنين اللي فاتت. هتلاقي نفسك اتغيرت. هتلاقي علاقتك برينا اتغيرت. يا جماعة انا بقى لي ثلاث سنين بس - [00:15:17](#)

بتعبد لربنا بالاستمرار. يعني السنين اللي قبل كده كنت شغال في الدعوة شغال في حاجات في دين ربنا وفضل منة الله. ولكن ما كنتش عارف قيمة السبات والاستمرار على العمل - [00:15:37](#)

ما كنتش عارف قيمة كلمة الحسن البصري. ما جعل الله لمؤمن اجلا دون الموت. انا بقى لي ثلاث سنين بتعبد لله بدي باحاول سواء في اي حاجة في دعوة في درس ربنا فتحه لي في ورد في حاجة والله العظيم يا جماعة انا لما جيت اشوف كشف حساب كده النعم اللي ربنا اداها له - [00:15:47](#)

السنوات القليلة اللي فاتت لقيتها اعزم مئات المرات من النعم والفتوحات اللي ربنا اداها لي في السنين اللي قبلها اللي انا اشتغلت فيها في الدعوة وكنت شغال كويس جدا اللهم لك الحمد. وبطاقة اعلى من دلوقتي بكتير جدا. ولكن ما كانش بفكر الاستمرار. كانت بفكر الانتاج المجاهدة الانجاز. لما تعبدت لله بفكر - [00:16:07](#)

استمرار حسبت ان حياة الواحد اختلفت تماما في كل شيء. والفتوحات اختلفت في كل شيء. مش عايزين اوفسيدات في رمضان ده. رمضان بدون اوفسايد. اللهم ثبتنا على طاعتك حتى نلقاك. الله ربنا ادخلنا مدخل صدق. واخرجنا مخرج صدق واجعل لنا من لدنك سلطانا نصيرا. اللهم اجعلنا - [00:16:27](#)

من قلت فيهم وما بدلوا تبديلا. اللهم اختم لنا بخاتمة السعادة اجمعين. اللهم ارزقنا حسن الخاتمة اللهم اجعلنا نعبدك في رمضان. من اوله لآخره على الوجه الذي يرضيك عنا. اللهم اجعله خير رمضان مر علينا في حياتنا - [00:16:47](#)

يا ارحم الراحمين سبحانه اللهم وبحمدك اشهد ان لا اله الا انت استغفرك واتوب اليك. جزاكم الله خيرا ياه نور الهلال. اقبل تعال فالشوق طال نحو السما مترمما - [00:17:05](#)